

Landesbibliothek Oldenburg

Digitalisierung von Drucken

Phaedri Avgusti Liberti Fabvlarvm Aesopiarvm Libri V.

Phaedrus

Rintelii, MDCCXXXVIII

VD18 13044567

Fab. II. Lepores vitae pertaes.

urn:nbn:de:gbv:45:1-17134

APPENDIX FABVLARVM

A

V. C.

MARQVARDO GVDIO E MANVSCRIPTO DIVIONENSI DESCRIPTARVM.

FAB. I.

Milnus aegrotans.

Multos quum menses aegrotasset Miluius,
Nec iam videret esse vitae spem suac,
Matrem rogabat, sancta circumiret loca,
Et pro salute vota faceret maxima.
Faciam, inquit, fili; sed opem ne non impetrem,
Vchementer vereor; tu, qui delubra omnia
Vastando, cuncta polluisti altaria,
Sacrificiis nullis parcens, nunc quid vis rogem?

FAB. II.

Lepores vitae pertaeſi.

Qui sustinere non potest suum malum,
Alios inspiciat, et discat tolerantiam,
Aliquando in siluis strepitu magno conati
Lepores clamant, se propter assiduos metus
Finire velle vitam. Sic quendam ad lacum
Venerunt, miseri quo se praecipites darent,
Aduentu quorum postquam rauae territac
Virides in algas misere fugientes ruunt:
Heu, inquit ynus, sunt et alii, quos timor
Vexat malorum, Ferte vitam vt ceteri,

FAB.



FAB. III.

Vulpes et Iupiter.

Naturam turpem nulla fortuna obtegit,
Humanam in speciem quum vertisset Iupiter
Vulpem, regali pellex ut sedet throno,
Scarabeum vedit prorepentem ex angulo;
Notamque ad praedam celeri prosiluit gradu,
Superi risere, magnus erubuit pater,
Repudiatam turpemque pellicem expulit;
His prosequutus: Viue, quo digna es modo,
Quac nostris vti meritis digne non potes.

FAB. IV.

Leo et Mus.

Ne quis minores laedat, fabula haec monet,
Leone in silua dormiente, rustici
Luxuriabant mures, et unus ex iis
Super cubantem casu quodam transit.
Expergesfactus miserum Leo celeri impetu
Arripuit; ille veniam sibi dari rogat,
Crimen fatetur, peccatum imprudentiae,
Hoc rex vlcisci gloriosum non putans,
Ignouit et dimisit. Post paucos dies
Leo dum vagatur noctu, in foueam decidit.
Captum ut se agnouit laqueis, voce maxima
Rugire coepit; cuius immanem ad sonum
Mus subito accurrens. Non est quod timcas, ait;
Beneficio magno gratiam reddam parem.
Mox omnes artus, artuum et ligamina
Lustrare coepit, cognitosque dentibus
Neruos rodendo laxat ingenia artuum,
Sic captum mus leonem siluis reddidit.

